

YUAV MUAB TSO TAWM TAM SIV RAU:

Lub Ob Hlis Hnub Tim 28, 2022

Cov Neeg Tiv Tauj:

Lub Legal Aid Foundation of Los Angeles, Sara Williams, siwilliams@lafla.org

Lub Advancing Justice - Asian Law Caucus, Lande Watson, landew@advancingjustice-alc.org

California Lub Rural Legal Assistance, Inc., Marisa Lundin, Indigenous Program Legal Director, mlundin@crla.org

Cov Neeg Txhawb Ua Tau Raws Li Kev Sib Pom Zoo nrog CA Feem Hauj Lwm Saib Xyuas Kev Txhim Kho Kev Ntiav Hauj Lwm Kom Nthuav Dav Kev Nkag Tau Txog Hom Lus Hais

*Kev txhim kho kev nkag tau txog hom lus hais uas tau nqis tes ua mus kom tag xyoo
2024 yuav ua kom ntseeg tau tias EDD yuav txhawb nqa cov neeg California cov cai pej
xeem thiab tos txais cov zej zog uas muaj peev xwm hais tau ntau hom lus*

SACRAMENTO — Nrog rau kev muaj yeej rau cov neeg California thiab cov neeg txhawb pab txoj cai fab kev hais lus, tam sim no cov niam txiv pej xeem uas tsis siv Lus Askiv ua lawv thawj hom yuav tuaj yeem nkag tau ntau dua qub mus rau California Feem Hauj Lwm Saib Xyuas Kev Txhim Kho Kev Ntiav Hauj Lwm (Employment Development Department, EDD) lub khoos kas kev tuav pov hwm kev poob hauj lwm (Unemployment Insurance, UI), uas muab cov nyiaj pab tseem ceeb rau cov neeg ua hauj lwm uas muaj cai tsim nyog thoob plaws lub xeev. Legal Aid Foundation of Los Angeles (LAFLA), Asian Americans Advancing Justice – Asian Law Caucus (ALC), California Rural Legal Assistance, Inc. (CRLA), Center for Workers' Rights (CWR), thiab Legal Aid at Work (LAAW) tau tham sib haum nrog EDD uas yuav ua kom lub chaw ua hauj lwm qhov UI cov nyiaj pab, cov kev pab cuam, thiab cov peev txheej uas muaj nyob rau hauv txhua hom lus uas cov niam txiv pej xeem hauv California siv.

Qhov kev pom zoo no yog los ntawm [qhov kev tsis txaus siab](#) uas pib ua ntawv foob los ntawm LAFLA mus rau Feem Hauj Lwm Saib Xyuas Kev Ua Hauj Lwm Ncaj Ncees thiab Vaj Tsev Nyob (Department of Fair Employment and Housing, DFEH), uas liam tias muaj kev yuam cai rau kev nkag mus txog rau hom lus hais ntawm tsoom fvv thiab lub xeev txoj cai hais txog kev tiv thaiv kev ntsub ntxaug duav txog lub teb chaws yug, kev txheeb xyuas haiv neeg, thiab cov yam ntxwv ntawm hom lus hais. Cov koom haum fab kev cai lij choj uas yog khub koom tes ALC, CRLA, CWR, thiab LAAW tau koom nrog qhov kev tsis txaus siab no, thiab DFEH daws kho qhov teeb meem no. Tam li yog ib feem ntawm kev daws teeb meem, thiaj li tau muab txhua tog neeg qhov kev pom zoo xa mus rau hauv Lub Tsev Hais Plaub Sacramento Superior Court. Lub Chinese for Affirmative Action kuj tau koom ua ib feem ntawm qhov kev sib foob no thiab.

Yawg Joann Lee, Tus Kws Pab Tswv Yim Tshwj Xeeb txog Fab Kev Ncaj Ncees Rau Hom Lus Hais ntawm LAFLA tau hais tias “Peb thov qhuas EDD txoj kev txaus siab los ua kom lawv cov txheej txheem muaj kev ncaj ncees ntau dua qub rau txhua tus neeg ua hauj lwm hauv California, tsis hais yog lawv hais hom lus twg los xij.” “Qhov kev sib hais haum no ua rau EDD muaj kev thaj tsoob ntau dua qub rau cov kev xav tau ntawm peb lub xeev cov kab lis kev cai thiab cov zej zog uas muaj ntau haiv neeg. Tsis yog muaj EDD tib leeg nkaus xwb vim tias muaj ntau lub xeev thiab ntau lub chaw ua hauj lwm hauv cheeb tsam cov kev coj ua txog kev nkag tau mus rau hom lus hais kuj tsis muaj yam uas xav tau thiab. Tam li yog ib lub xeev, California tuaj yeem thiab yuav tsum ua kom zoo dua no.”

California yog ib lub xeev uas muaj ntau hom lus hais tshaj plaws nyob rau hauv lub teb chaws. Yuav luag ib nrab ntawm cov niam txiv pej xeem hais hom lus uas tsis yog Lus Askiv thaum nyob hauv tsev, thiab muaj 7 lab leej neeg siv ib yam ntawm ntau dua 200 yam lus uas tsis yog Lus Askiv. Txawm hais tias Lus Xab Pees Niv yog hom lus uas hais ntau tshaj plaws los xij, uas yog muaj txog li 64%, tab sis kwv yees li 2.4 lab leej neeg uas paub hais Lus Askiv uas siv hom lus hais uas tsis yog Lus Xab Pees Niv.

Thoob plaws thaum uas muaj kab mob sib kis, cov neeg thov tau ua tiag nkag mus rau UI cov nyiaj pab tseem ceeb tau ntsib ntau yam teeb meem thiab kev kem khiab — mus txog rau qhov hais tias tsuas muaj ib feem tsawg-tsawg xwb thiaj li tuaj yeem tham tau nrog cov neeg sawv cev tau — tab sis kuj tau ntxeem nrhiav zaub mov rau tsev neeg noj thiab ua tiag cawm lawv tsev neeg. Cov tib neeg uas siv cov lus uas tsis yog hom lus tseem ceeb thiab cov neeg muaj hmoo uas tau dhau los tsis tuaj yeem sib txuas lus nrog EDD, vim tias tsis muaj kev pab cuam txhais lus rau feem coob ntawm cov neeg hu tuaj. Muaj ntau leej tau tig mus ntiav cov neeg muab kev pab cuam los ntawm cov neeg ua lag luam los sis cov neeg sau ntawv pab pawg-thib peb los ua lawv cov ntaub ntawv thov, thiab feem ntau kuj tseem tsis tuaj yeem tshawb xyuas tau tus txheej txheem thiab cov nyiaj pab uas tau txais yam muaj kev nyab xeeb nyob rau thaum kawg. Tus Thawj Tswj Xeev [daim ntawv tshaj qhia ntawm EDD Strike Team thaum Lub Cuaj Hlis Xyoo 2020](#) tau qhia pom hais tias “cov tib neeg uas hais tsis laib Lus Askiv zoo tau ntsib teeb meem nyuaj txog kev tau txais kev pab.”

Cov niam txiv pej xeem hauv Cheeb Tsam Nroog Kern thiab CRLA tus neeg qhua Gregorio Sanchez piav qhia txog qee yam teeb meem xws li no: “Kuv hais Lus Mixteco thiab kuv muaj teeb meem ntau yam heev nrog kev qhib kuv qhov UI nrog EDD...Kuv tsis paub siv kuv lub xov tooj smartphone los sis lub khoos phis tawj li, yog li txhua zaus uas kuv xav qhib ua daim ntawv tsib kuv cov nyiaj pab, kuv yuav tau mus thov lwm tus neeg pab kuv thiab tus neeg ntawd yuav sau nqi los ntawm kuv txhua zaus uas kuv mus kom lawv pab.”

CRLA Indigenous Program Tus Thawj Saib Xyuas Fab Kev Cai Lij Choj, Yawg Marisa Lundin tau hais tias: “Kev tau txais kev txhais lus tsis yog teev tseg raws cai lij choj thiab kev coj ncaj ncees nkaus xwb, tab sis kev tau txais kev txhais lus yog kev tiv thaiv kev raug dag.” “Peb cia siab tias ib qho txiaj ntsig tseem ceeb ntawm qhov kev sib hais haum no yuav yog cov neeg xws li Yawg Sanchez uas siv cov lus tsis yog hom lus tseem ceeb yuav tuaj yeem nkag tau ncaj qha mus rau EDD yam tsis tas yuav muab cov ntaub ntawv tseem ceeb txog fab nyiaj txiaj thiab kev txheeb xyuas tus kheej rau cov txiaj ntsig ntiag tug, rau cov neeg nruab nrab

yam tsis raug cai thiab tau rho nyiaj hauv hnab los them kom nkag tau mus rau cov nyiaj poob hauj lwm yam tsis muaj kev lees paub tias cov ntawv tsib raug cai yuav raug xa mus yam raug los sis tiav log.”

Yawg Winnie Kao, Tus Kws Pab Tswv Yim Laus ntawm Advancing Justice - Asian Law Caucus hais tias: “Hais txog rau ntau tus neeg uas hais tsis laib Lus Askiv zoo, EDD txoj kev tsis muaj kev pab cuam txhais lus tau ua rau muaj teeb meem tsis zoo rau kev nkag mus rau cov nyiaj pab uas lawv xav tau los txhawb pab lawv tsev neeg. EDD qhov kev cog lus tias yuav muab kev pab fab kev txhais lus raws lub sij hawm tiag-tiag thaum nrog cov neeg tsib nyiaj sib tham, ua hom lus uas tus neeg tsib nyiaj nyiam, yuav muaj kev cuam tshuam tiag-tiag thiab sai rau cov neeg hauv zej zog. Kev nthuav cov xov tooj ua ntau hom lus thiab cov neeg txhais lus ua Lus Esxias, Lus Hnub Tuaj Nruab Nrab, thiab lwm hom lus yuav txo qis cov teeb meem uas ua rau cov tsev neeg ntxhov siab thiab ua rau lawv tsis tau txais kev txhawb pab ua ntej thiab thaum muaj kab mob sib kis.”

Yawg Katherine Wutchiett, Tus Kws Lij Choj rau Lub Khoos Kas Kev Ua Hauj Lwm thiab Tsev Neeg ntawm LAAW tau hais tias: “Qhov kev sib hais haum txog lub khoos kas UI no yog ib kauj ruam zoo ntawm txoj hauv kev uas yog lawm.” “Qhov kev hloov pauv ua ib ntxaig no yuav tsum muaj rau EDD qhov Kev Thov So Hauj Lwm Rau Tsev Neeg Uas Tau Txais Kev Them Nyiaj (Paid Family Leave) thiab cov khoos kas Kev Tuav Pov Hwm Kev Xiam Oob Qhab Hauv Lub Xeev (State Disability Insurance) uas tau txais kev them nqi tag nrho los ntawm peb cov neeg ua hauj lwm uas muaj ntau haiv neeg, thiab peb cov neeg hauv zej zog yuav tsum tuaj yeem nkag tau mus txog rau cov nyiaj pab no.”

Cov neeg hauv zej zog thiab cov neeg txhawb pab tau ua tiav txog fab kev hloov pauv cov kev cai lij choj qib siab nyob rau lub xyoo tas los txhawm rau txhim kho kev pab cuam txhais lus hauv lub khoos kas UI, suav nrog kev siv [\\$21 lab \(million\) nyob rau ob lub xyoo](#) los txhim kho cov kev pab cuam ua ntau hom lus ntawm EDD. Tsis tas li ntawd xwb, txoj cai lij choj kuj tseem teev kom EDD tshaj qhia rau cov tub coj xwm saib xyuas peev nyiaj thiab txoj cai fab kev cai lij choj txog cov xwm txheej ntawm kev thov so hauj lwm rau tsev neeg uas tau txais kev them nyiaj (Paid Family Leave) thiab cov kev pab cuam tuav pov hwm kev xiam oob qhab hauv lub lav (State Disability Insurance) ua ntau hom lus tsis pub dhau Lub Xya Hli Tim 1, 2022. Cov ntsiab lus cai ntawm qhov kev sib hais haum, uas txhawb txoj kev cai lij choj tsis ntev los no, muaj xws li:

- Muab kev pab cuam txhais lus hais thiab lus piav tes raws lub sij hawm tiag-tiag los ntawm cov kws txhais lus los sis cov neeg ua hauj lwm paub ntau hom lus uas tsim nyog rau cov neeg tsib nyiaj UI ua hom lus *twg los xij* uas tus neeg tsib nyiaj xav tau. Yog tias tsis tuaj yeem muab cov kev pab cuam txhais lus no tau txawm tias yeej muaj kev siv zog yam siab dawb paug lawm los xij, EDD yuav tsum tau hu rov qab tus neeg tsib nrog tus neeg txhais lus uas tau thov, nyob rau hauv sij hawm tsib hnub ua hauj lwm (nrog rau muaj qee yam kev txwv).
- Nthuav dav cov xov tooj hu rau UI ua ntau hom lus txhawm rau kom muaj xya hom lus tseem ceeb uas tsis yog Lus Askiv uas cov neeg California siv ua ntej yuav tag lub xyoo 2022. Tam sim no muaj cov xov tooj ua Lus Xab Pees Niv, Lus Suav, Lus Suav

Cantonese, thiab Lus Nyab Laj. Qhov kev sib hais haum no tseev kom ntxiv Lus Kaus Lim, Lus Tagalog, thiab Lus Armenian ntxiv.

- Txhais tag nrho cov ntaub ntawv tseem ceeb txog UI rau cov neeg tsib ua 15 hom lus uas tsis yog Lus Askiv uas cov neeg California siv ua ntej yuav tag lub xyoo 2022 – uas yog siv cov neeg txhais lus uas muaj cai tsim nyog, tsis yog siv tshuab txhais lus. Cov lus no yuav suav nrog cov uas muaj npe nyob saum toj no ntxiv rau Lus Arabic, Lus Farsi, Lus Punjabi, Lus Lav Xias, Lus Zij Pees, Lus Hindi, Lus Khmer (Kas Pus Cias), thiab Lus Thaib.
- Txhim kho kev nkag mus hauv online los ntawm lub portal nkag mus uas muaj ntau hom lus thiab UI online ua xya hom lus tseem ceeb uas tsis yog Lus Askiv ua ntej xyoo 2024.

Yawg Daniela Urban, Tus Tuam Thawj Tswj Lub Center for Workers' Rights hais tias: “Ib qho uas pom tseeb ntawm qhov kev sib hais haum no yog qhov uas tseev kom EDD yuav tsum tau suav sau cov ntaub ntawv hais txog tias seb cov neeg ua hauj lwm hauv California yuav siv cov kev pab cuam txhais lus uas muaj kev txhawb pab kom nkag tau mus rau UI li cas thiab faib qhia cov ntaub ntawv ntawd tsis tu ncuu nrog cov kws txhawb pab fab lus hais.” “Peb cia siab tias yuav muaj kev koom tes nrog EDD txuas mus ntxiv kom ntseeg tau tias cov kev hloov pauv hauv qhov kev sib hais haum no yuav ua rau muaj qhov sib txawv zoo hauv lub neej ntawm cov tsev neeg hauv California.”

[Nyeem tag nrho cov kev sib hais haum suav nrog rau tag nrho cov kev cai.](#)

###

[Hais Txog Legal Aid Foundation of Los Angeles](#)

Legal Aid Foundation of Los Angeles (LAFLA) yog lub tuam txhab kev cai lij choj uas tsis vam txiaj ntsig uas nrhiav kev ua kom muaj kev ncaj ncees sib luag rau cov neeg uas ntsib kev txom nyem thoob plaws Lub Nroog Loj Los Angeles. LAFLA hloov pauv lub neej los ntawm kev sawv cev ncaj qha, kev hloov pauv cov laj txheej, thiab kev txhawb lub zog hauv zej zog. Nws muaj tsib lub chaw ua hauj lwm hauv Cheeb Tsam Nroog Los Angeles, nrog rau plaub Lub Chaw Pab Cuam Fab Kev Cai Lij Choj Uas Yog Yus Pab Yus Tus Kheej ntawm cov tsev hais plaub hauv cheeb tsam, thiab peb lub tsev kho mob txog kev siv dag zog ua phem hauv tsev los pab cov neeg ntxeem dim.

[Hais Txog California Rural Legal Assistance, Inc.](#)

California Rural Legal Assistance, Inc. (CRLA) muab kev pab cuam fab kev cai lij choj thiab kev kawm pub dawb rau kaum tawm txhiab tus neeg pej xeem uas khwv tau nyiaj tsawg hauv California cov cheeb tsam nroog nyob toj siab thiab kev foob cov teeb meem uas tau txais txiaj ntsig ntau rau cov tib neeg kom ntau dua qub. Peb pab peb cov neeg kom tau txais kev them nyiaj ncaj ncees rau lawv txoj kev siv zog ua hauj lwm, nrhiav thiab nyob hauv lub vaj tse uas muaj kev nyab xeeb, nkag tau mus rau kev kho mob, xyuas kom ntseeg tau tias muaj kev kawm zoo rau lawv cov me nyuam, thiab lwm yam ntau ntxiv. Peb lub zeem muag yog cov chaw toj siab hauv California uas txhua tus neeg tau txais kev coj yam muaj meej mom thiab muaj kev huab hwm thiab lav lawv cov cai tseem ceeb. Mus saib peb hauv online: www.crla.org.

[Hais Txog Center for Workers' Rights](#)

Lub Chaw Muab Kev Pab Cuam Cov Cai Rau Cov Neeg Ua Hauj Lwm (Center for Workers' Rights) yog ib lub koom haum nyob rau hauv Sacramento, pab fab kev cai lij choj thiab kev

txhawb nqa yam tsis vam txiaj ntsig uas muaj lub luag hauj lwm los tsim lub zej zog uas cov neeg ua hauj lwm tau txais kev huab hwm thiab saib xyuas yam muaj meej mom thiab muaj kev ncaj ncees. Txhawm rau ua kom lub zeem muag ntawd tshwm sim muaj tseeb, peb muab kev sawv cev fab kev cai lij choj rau cov neeg ua hauj lwm uas khwv tau nyiaj tsawg, cov neeg txhawb pab rau cov kev pib los txhawb cov neeg ua hauj lwm txoj cai, thiab txhawb fab kev kawm rau cov neeg ua hauj lwm, cov neeg khiav dej num, thiab cov coj noj coj ua hauv cheeb tsam Sacramento loj.

[Hais Txog Asian Americans Advancing Justice - Asian Law Caucus](#)

Asian Law Caucus (ALC) tau teeb tsa thaum xyoo 1972 tam li yog lub teb chaws thawj lub koom haum fab kev cai lij choj thiab cov cai pej xeem uas tsom mus rau cov kev xav tau ntawm cov neeg khwv tau nyiaj tsawg, cov neeg tsiv nkag teb chaws thiab cov neeg Esxias Asmeskas thiab Cov Neeg Pov Txwv Pacific uas muaj tsawg hwm tsam. Paub tau hais tias kev tsis muaj vaj huam sib luag fab zej tsoom, kev lag luam, kev nom kev tswv, thiab haiv neeg tseem muaj txuas ntxiv nyob hauv Teb Chaws Meskas, ALC thov cog lus tias yuav nrhiav kev muaj vaj huam sib luag thiab kev ncaj ncees rau txhua feem xyuam hauv peb lub zej zog.

[Hais Txog Legal Aid at Work](#)

Legal Aid at Work yog ib lub koom haum pab cuam fab kev cai lij choj tsis vam txiaj ntsig uas txhawb pab cov tsev neeg ua hauj lwm uas khwv tau nyiaj tsawg los ntawm cov chaw pab cuam fab kev cai lij choj thiab cov xov tooj hu dawb, kev tshaj tawm thiab kev muab kev kawm paub, cov kev pab cuam ncaj qha thiab kev foob, thiab kev txhawb pab txoj cai.